



# ბიულეტენი

აფხაზეთის სულიერებისა და კულტურის ცენტრის  
საინფორმაციო ორგანო

№3 (78) ივლისი, აგვისტო, სექტემბერი 2016 წელი



ჯვართაძალღება

გადამზენისკენ სწრაფვა



მომავლის სისაბაქლო!



# მომავლის სიხარულით!

ალბათ, არახალაია, რომ აფხაზეთის სულიერების და კულტურის ცენტრმა დიდი მისია იკისრა, რომ იგი აერთიანებს, აკავშირებს აფხაზეთის მინის მკვიდრთ ინტენსიური სულიერი ცხოვრებით. მაგრამ ეს არის ამ მოსახლეობის ცხოვრების ანმყო, რომელიც მოდის მათი წარსულიდან. განსაკუთრებით ყურადღას იმსახურებს, რომ აქ მიზანმიმართულად მზადდება ნიადაგი მომავლისათვის.

მართლაც, მოდის მომავალი თაობა და აფხაზეთის სულიერებისა და კულტურის ცენტრი წარმოაჩენს, მეტიც, ცდილობს შეუქმნას გარემო-პირობები ნიჭის, მონაცემების განვითარების, გაფურჩქვნისათვის და შედეგებიც სახეზეა. ამის დასადასტურებლად, ალბათ, საკმარისია დავასახელოთ ისეთი უკვე წარმატებული და აღიარებული შემსრულებლები, როგორებიც არიან მომღერლები სალომე ჯიქია, ალუდა თოდუა, მხატვრები დავით კვანტალიანი, თედო რეხვიაშვილი და სხვ.

ამ მიზანს ისახავდა ამასწინანდელი შეხვედრა-კონცერტიც, რომლის მთავარი გმირები იყვნენ ხელოვნების სხვადასხვა დარგის ნორჩი და მოზარდი წარმომადგენლები. მხატვრები, რომლებიც სულ პირველ ნაბიჯებს დგამენ ხელოვნების სფეროში, ნორჩი მევიოლინე, ახალგაზრდა პიანისტი, თითოეული მათგანი იმედისმომცემად წარმოჩნდა შეხვედრაზე.

ბუნებრივია, სურვილი მაქვს დავინყო ყველაზე ნორჩი „შემოქმედის“ – თამარ დგებუაძის ნამუშევრებით: ნახატებით და პლასტიკის ფიგურებით, რომლებიც სხვადასხვა ზღაპრის სიუჟეტებს ან გმირებს გამოსახავდნენ: დათუნიები და ცუგები, სპილოები და ჩიტები მშვენივრად ცოცხლდებიან პატარა მძერწავის ხელში, მხიარულ ფერებში შესრულებული გემი და ქალთევა კი, ალბათ, ჯერაც უცნობი, მაგრამ საოცნებო მშობლიური ქალაქის ასოციაციაცაა.

სასიხარულო იყო ის ფაქტი, რომ ამ თავყრილობის მონაწილენი იყვნენ ერთი, სასულიერო პირის, მიქაელ ბუკიას მრავალშვილიანი ოჯახის წევრები – დები, რომლებიც ხელოვნების სხვადასხვა დარგის მეშვეობით გამოხატავენ საკუთარ თავს. ესეც ერთგვარი სიმბოლური ფაქტი გახლდათ, რომ მათი ცხოვრების თანმხლებია სილამაზის, მშვენიერებისკენ ლტოლვა და ის, რომ აფხაზეთიდან წამოსული ამგვარი ოჯახები სულიერების და კულტურის ცენტრის ყურადღების მიღმა არ რჩებიან. ესენი თბილისის 47-ე სკოლის მოსწავლეები არიან, რომელთაგან ერთმა – ევემია ბუკიამ თავისი ფერწერული ნამუშევრები გაგვაცნო. ეს იყო ნატიურმორტივი – ძირითადად ყვავილების თაიგულები, რითაც გამჟღავნდა ნორჩი მხატვრის შინაგანი სწრაფვა – გარემოს ნატიფი და სათუთი წვდომის, შეცნობის უნარი. მის შემდეგ დის – ნინო ბუკიას მიერ ვიოლინოზე შესრულებული ფრიც კრეისლერისა და ვაჟა აზარაშვილის ნაწარმოებები ერთგვარი გაგრძელება იყო იმავე სამყაროში შესასვლელად.

ნორჩი მევიოლინის შესრულებაში მაინც ყველაზე მნიშვნელოვანი იყო შეგრძნება ნათელი, კაშკაშა ფერების, სამყაროს ამგვარად აღქმის ქვეცნობიერი სურვილი. აქ აღსანიშნავია მისი პედაგოგის – ცნობილი მევიოლინის, საერთაშორისო კონკურსების ლაურეატის, ნიჭიერთა ათნლედის პედაგოგ ქეთევან თუშმალიშვილის დამსახურება, რომელიც აკადემიურ მიმართულებას აძლევს მას, აცნობს ავტორის ეპოქას, ნაწარმოების სტილს.

შეხვედრაზე სახვითი ხელოვნების დარგით წარმოგვიდგა, აგრეთვე, მე-12 კლასის მოსწავლე მარიამ კუპრეიშვილი. მან გაგვაცნო თავისი გრაფიკული ნამუშევრები. ისინი, უპირველესად, ასახავდნენ ავტორის დიდ სიყვარულს ხატვისადმი, მათში საგრძნობი იყო პედაგოგის (ლევან ანდრიაძე) გულისყური და ძალისხმევა. ამ ნამუშევრებიდან ფორმების, პროპორციების ათვისებისა და გამოსახვის, პროფესიონალიზმის მიღწევის სურვილი გამოსჭ



ვოდა. ნორჩმა მხატვარმა მხოლოდ გრაფიკული ნამუშევრები წარმოადგინა და მე გამიჩნდა კითხვა – თუ მუშაობს ის ფერწერის სფეროში? – პასუხი იყო ამგვარი, რომ მუშაობს ფერწერაშიც, მაგრამ გრაფიკაში მუშაობა ბევრად უფრო დიდ სიამოვნებას ანიჭებს, აქ თავის სტიქიაში გრძნობს თავს.

შეხვედრა-კონცერტის დაგვირგვინება იყო ახალგაზრდა პიანისტი დავით ქეცბაიას გამოსვლა. მან უკვე დამთავრა თბილისის „ნიჭიერთა ათნლედი“ და ციურიხის მუსიკალურ აკადემიაში ჩაირიცხა. დავითმა დამსწრე აუდიტორიაზე იმედისმომცემი შთაბეჭდილება მოახდინა, რისი საფუძველიც, ჩემი აზრით, ერთი მხრივ, მისი საშემსრულებლო-ტექნიკური აპარატი, მეორე მხრივ – ინდივიდუალიზმისაკენ სწრაფვის გამოვლენა იყო. მის მიერ დაკრულმა პროგრამამაც (ბახი, რახმანინოვი, პროკოფიევი) განაპირობა შემსრულებლის გაქანების, პოტენციალის წარმოჩენა. გამოიკვეთა პედაგოგ ალა ქუთათელაძის როლიც მოსწავლის გულისყურის წარმართვაში, აგრეთვე სხვადასხვა ეპოქისა და სტილის გათავისების უნარის გამომუშავებაში.

დავით ქეცბაიამ სხვადასხვა ეპოქის ნაწარმოებების შესრულებით, ცხადია, შინაგანი მრავალმხრივობაც გვაგრძნობინა. ერთმანეთის გვერდიგვერდ ბახისა და პროკოფიევის აჟღერებით, ერთი მხრივ, სიღრმეებისაკენ, მეორე მხრივ – მფეთქავი დინამიკისაკენ სწრაფვა გამოავლინა, მაგრამ ყველაზე მთავარი, რაც მის შესრულებაში გამომჟღავნდა, მომავალში ამ კომპოზიტორების მუსიკის აჟღერებისას ახალი მწვერვალების მიღწევის პოტენციალია.

სულიერებისა და კულტურის ცენტრი გულშემატკივრობდა ახალბედა პიანისტს წლების მანძილზე. მომე იყო მისი ზრდის, განვითარების. გულშემატკივრობდა მაშინ, როდესაც ის, „ნიჭიერთა ათნლედის“ მოსწავლე, მონაწილეობდა თბილისში, ციურიხის კონსერვატორიის პროფესორ ჰანს იურგ შტრუხის მასტერ-კლასებში. სწორედ იმ წარმატებულმა გამოსვლამ განსაზღვრა მისი შემდგომი ბედი – ის, რომ დღეს ციურიხის კონსერვატორიის სტუდენტია. სულიერებისა და კულტურის ცენტრი გულშემატკივრობდა მას შარშან, თბილისის ვანო სარაჯიშვილის სახელობის კონსერვატორიის მცირე დარბაზში გამართულ სოლო კონცერტზე და წელსაც, იმავე დარბაზში, ასევე სოლო კონცერტზე, უკვე ზემოაღნიშნული წარდგენის შემდეგ. და საერთოდ, სულიერებისა და კულტურის ცენტრი ცოცხლობს ნიჭიერების გამოზრუნებით, წარდგენითა და შემდგომი წარმატებებით მიღებული სიხარულით!

# გაღმარების სქენა სწრაშე



აფხაზეთის სულიერებისა და კულტურის ცენტრი არ თმობს პოზიციებს - მისი სამიზნე იძულებით დევნილი მოსახლეობის, კულტურის, ხელოვნების მოღვაწეთა მუდმივი ფიქრის, სამსჯავროზე გამოტანის საზრუნავია. იგი მუდამ ითვალისწინებს მაცურებლის ინტერესთა სფეროს - აქ მოსულმა იცის, რომ მისთვის რალაც მნიშვნელოვანს უთუოდ გაიყოლებს დარბაზიდან.

6 ივლისსაც ასე მოხდა. ცენტრის კამერული გარემო, სითბოთი და ნოსტალგიით გაჟღერებული კედლები, სადაც ეროვნულ რელიქვიათა მიმართ მონინებას ღალადებენ გამოფენილი პლაკატები თუ ჩანახატები; ოდნავ მოშორებით, წარმოსახვით სცენაზე ამყად მომზირალი როიალი, „პარტერში“ კი მასპინძლის მოკრძალებული გულუხვობით აღბეჭდილი, კომპოზიციურად გემოვნებით განლაგებული მაგიდები - გულითადობის ტყვეობაში მოგაქცევდათ.

ძნელბედობის მიუხედავად, ქართველი კაცის ბუნებაში, გენეტიკურად ფესვგადგმული იმედის ჭარბი სხივი არასდროს მინავლდება. სწორედ ამ ქვეტექსტით წარიმართა ეს შეხვედრადიალოგი კულტურის სამ გამორჩეულ მოღვაწესა და მათი შემოქმედების დამფასებელ აუდიტორიას შორის.

ერთგვარი კამერტონის ფუნქცია დაეკისრა კომპოზიტორ გოგი ჩლაიძის ჰიტად ქცეულ სიმღერას „გამარჯობა, აფხაზეთო შენი“ (რომელიც შეიქმნა სოხუმის მოზარდ მაცურებელთა თეატრის სპექტაკლისთვის - „გამარჯობა სოხუმო“), სოხუმის სამუსიკო სასწავლებლის ახალგაზრდა პედაგოგ გიორგი გუდელიას შესრულებით. ელეგიურმა განწყობილებამ, რომელიც გიორგიმ გიტარის თანხლებით მოიტანა ჩვენამდე, ნელ-ნელა მსმენელებს შორის ურთიერთმისასვლელი სიმბოლური ხიდი გადო.

ცენტრის ხელმძღვანელმა სვეტლანა ქეცბამ საზოგადოებას წარუდგინა კომპოზიტორი ნუნუ გაბუნია, მწერალი გურამ ოდიშარია და მოქანდაკე ნერსე ბანაში; თუმცა, ეს წარდგენა პირობით ხასიათს ატარებდა - მათი შემოქმედება ხომ უკვე ჩვენი სულიერი ცხოვრების ორგანულ ნაწილად იქცა. მშობლიური აფხაზეთის მონატრებით იყო სავსე ნერსე ბანაშის ძარღვიანი მონოლოგი. თითქოს გულიდან სისხლი ეწრიტებო, ისეთი ემოციური მუხტით გვიზიარებდა იგი თავის შეხედულებებს წარსული ცხოვრების, თუმცა, დღევანდლობის ტკივილგაუხუნელებელ განცდათა ერთობლიობაში მოქცეულ მარადიულ პრობლემებზე: ვერ შევძელით სათანადოდ აგვეხსნა აფხაზი ძმებისთვის, რომ ჩვენ ისტორიული კანონზომიერებით შეკავშირებული ერი ვართ - აფხაზი იგივე ქართველია, ქართველი კი ძირძველი მინის მკვიდრი აფხაზი. ბევრს, განსაკუთრებით უცხოტომელებს, არ ესმით ამ ჭეშმარიტების არსი და ზოგჯერ აბსურდულ კითხვას შემოაგდებენ - აფხაზი ქართველია? რა თქმა უნდა, ისტორია ხომ ამას ღალადებს. მავანს ამის გაგება არ ძალუძს, ესეც ხომ

წინასწარ გათვლილი მზაკვრული გეგმის ნაწილია. მოდის ახალი თაობა და ჩვენი მამულიშვილური ვალია სიცხადის შეტანა ბურუსით მოცულ მათ ცნობიერებაში.

ბატონი ნერსეს სულის ამოძახილი კიდეც უფრო მძაფრად აღიქმებოდა დარბაზში გამოფენილი მისივე ნამუშევრების ფონზე: „მედას დაბრუნება“, „ქუჯი“, „ძმათა მონანიება“, „მძიმე ჯვარი“, „მაცხოვარი“, „ევას მონანიება“. მინიატურულ ფორმებში წარმოდგენილ ამ მრავალმხრივ საყურადღებო ქმნილებებს თვით მოქანდაკე უკეთებდა კომენტარებს. განსაკუთრებული სიამაყით ისაუბრა კოლხი მედას სიდადეზე, მედიცინაში მის ლეგენდარულ სახელსა და მსოფლიო მნიშვნელობის ავტორიტეტზე.

ბატონი ნერსეს მგზნებარე საუბარი, აუდიტორიის გულმხურვალე გამომხაურება სკოლის მოსწავლე გიორგი კინწურაშვილის გამოსვლამ შეცვალა :

„ორაგული შავ ზღვაში მოცურავდა.

ჩქარობდა.

რიზეს გამოსცდა.

გამოსცდა ბათუმსაც.

შორიდან მოუარა ფოთსაც, ანაკლიის კონცხსაც, ენგურსაც, ერისწყალსაც, მოქვსაც.

ჩქარობდა.

მდინარეს აუყვა ორაგული.

მდინარეზე თხელი, მოიისფრო ნისლი იწვა. შორს კავკასიონის მთები ჩანდნენ, მალლა და კიდეც უფრო შორს - მყინვარწვერები.

ორაგულიც სწორედ იქით მიიჩქაროდა - მთებისკენ.

სადაც დინამიტი აფეთქდა, ცაში აიჭრა გაცოფებული წყალი. სისხლმა შეღება მდინარის წყალი.

ორაგულს ბედი სწყალობდა.

შეუსვენებლად მიცურავდა.

რაც უფრო მალლა მიცურავდა ორაგული მთის კალთებისკენ, მით უფრო ძლიერდებოდა მდინარის ნაკადი და ძნელდებოდა ცურვა. ის კი ისევე ჯიუტად და გააფთრებით მიიწევდა წინ.

გვერდები დაუბეჭა ქვეშა, დაუსისხლიანა, ფარფლებიც დაუჩქქა, მაგრამ ის მაინც წინ მიიწევდა.

გასარულა ორაგულმა თავისი ცურვა, ბოლოჯერ დაიძაგრა, ბოლოჯერ ააფართხალა ფარფლები - ის უკვე დედა მდინარეში იყო, იქ იყო, სადაც დაიბადა...“

გურამ ოდიშარიას რომან „შავი ზღვის ოკეანეს“ ეპილოგის კითხვა გააგრძელეს ანანო კუხალაშვილმა, მარიამ ბენდელავამ და ანა ქაშიბაძემ. ისინი მხოლოდ გადმოცემით იცნობენ შავი ზღვისპირეთის თვალ-მარგალიტს - აფხაზეთს. შეუძლებელი იყო მშვიდად მათი მოსმენა. ნორჩ მკითხველთა არსებაში დაგუბებულმა ემოციურმა ტალღამ მონუსხა მაცურებელთა დარბაზი. მათ, შეძლებისდაგვარად, მოახერხეს მწერლის ჩანაფიქრის მხატვრულ ფორმაში მოქცევა. და ხალასი, გულწრფელი, ლირიკულ-დრამატული ინტონაციების ლავირებით, რომანტიკულ სამყაროში გადაგვტყორცნეს. ქალბატონ სვეტლანა ქეცბას შეკითხვაზე - თუ რა ამოიკითხა მან ტექსტზე მუშაობის დროს, ყველაზე პატარა ანა ქაშიბაძემ უპასუხა: ორაგულის თავგადასავალი დევნილთა ხიფათით გამოვლილ გზაზე მოგვითხრობს, ხოლო დასასრული ბედნიერების განცდის შეგრძნებაა - საკუთარ კერას რომ უბრუნდები!...

ეს გოლგოთის გზა აფხაზეთიდან იძულებით გადმოხვეწილი მოსახლეობის ხვედრიცაა, რაც კეთილად დაგვირგვინების იმედს გვიტოვებს.

კმაყოფილებას ვერ ფარავდა მხატვრული კითხვის ნორჩი „ოსტატების“ მიმართ სოხუმის კოლორიტი, ქართული კულტურის მოამაგე, ჩინებული მწერალი და გახმაურებული „ზღვა, რომელიც შორის“ ავტორი გურამ ოდიშარია. მისი ერთ-ერთი ბოლო რომანი „პრეზიდენტის კატა“, რომელიც მასთან შესახვედრად მოსულ მკითხველს უსახსოვრა ავტოგრაფითურთ, უკვე ითარგმნა ინგლისურ, რუსულ, აზერბაიჯანულ და სლოვაკურ ენებზე. რომანში მწერალი მოგვითხრობს აფხაზეთიდან ტერიტორიულად დროებით მონყვეტილი, მაგრამ ცხოვრების მრწამსით ამ კუთხესთან სამუდამოდ გადაჭდობილი პატრიოტის ჭირთათმენის არცთუ შორეული ბატალიების პიკანტურ ისტორიებზე. გურამ ოდიშარიას გამორჩეული მწერლური სტილი, სხარტი დიალოგური მანერა, ეპიზოდთა მახვილგონივრულად შეთხზვისა და მოვლენათა განზოგადოების ფართო სპექტრი ნებისმიერი ფენის მკითხველის ყურადღებას მიიპყრობს.

ერთგული მკითხველის წინაშე ბატონმა გურამ ოდიშარიამ გამოცდის ჩასაბარებლად გასული მოწაფის როლი მოიგო. იგი ქვეშეცნულად ინანიებდა ომისა და ნგრევის ქარცეცხლში გამოვლილი გზის ტრაგიკული განვითარების შედეგებს. სახელმწიფო მოღვაწის პოზიციებიდან განჭვრიტა სამომავლო გეზი: მსოფლიოს გავაგებინოთ ჩვენი სატიკვარი და, რაც ყველაზე მთავარია, აფხაზ ძმებსა და დებთან მისასვლელი უახლესი გზა უნდა გაკვალათ. ამის წინაპირობად ჩვენი კულტურის აღორძინება მიიჩნია. ფაშისტურ გერმანიასთან მძინვარე ომის დროს, ლევიტანის შოკისმომგვრელ ინფორმაციებს ხანგრძლივი პაუზა ახლდა და ამ დამთრგუნველი პაუზის განმუხტვა ხდებოდა კლასიკური მუსიკის კორიფეთა - ბახის, ბეთოვენის, მაღერის, ჩაიკოვსკის... ნაწარმოებთა შემოქმედებით. ჩვენც იმავე ხერხით უნდა ვიმოქმედოთ - კულტურის როლი ყოვლისშემძლეა.

კომპოზიტორ ნუნუ გაბუნიასთან ყოველი შეხვედრა მსმენელს მისი მელოდური, გულშიჩამწვდომი სიმღერების გარემოცვაში ამყოფებს. ამჯერად თვით კომპოზიტორს მოუშზადეს სიურპრიზი - ლეილა თორიამ საოჯახო არქივიდან ვიდეოდისკზე გადატანილი „ნუნუ გაბუნიას მოგზაურობა აფხაზეთში“ - გადასცა საჩუქრად. შეახსენა ის ისტორიული ძეგლები, რომელთა დათვალიერებისას მას მეგზურობას უწევდნენ მასპინძლები. კომპოზიტორი განსაკუთრებით გაახარა ინფორმაციამ, რომ დისკზე აღბეჭდილია საკუთარი სიმღერების მისეული შესრულება სხვა მომღერლებთან ერთად.

შეხვედრაზე ნუნუ გაბუნია დაანახებთ აღნიშნა, რომ ახალ სიმღერას, რომელიც შთააგონა გურამ ოდიშარიას ლექსმა „დი-ალოგი“ (ნიგნიდან „საგალობლები შენთვის“), ვერ წარადგენდა მსმენელის წინაშე. მიზეზიც განმარტა - სრულფასოვნად შესრულების გარეშე ახალი ნაწარმოების სამსჯავროზე გამოტანა შეუფერებლად მიიჩნია. შემდეგ გაიხსენა, სულიერებისა და კულტურის ცენტრის შეკვეთით, როგორ შთაგონებით იმუშავა ჯანო ჯანელიძის საიუბილეო თარიღისთვის პოეტის ლექსზე „ზღვა და სივრცე“.

დღეს არსებობს ამ სიმღერის საფონდო ჩანაწერი და ეს სევიდანი მელოდია სხვადასხვა მომღერლის რეპერტუარში შევიდა. მსმენელთან შესახვედრად კომპოზიტორმა სწორედ ამ სიმღერის ჩანაწერი შეარჩია, გიორგი შარაბიძის შესრულებით. მეორე ნაწარმოები - ლაზური სიმღერა, მან თავისი შვილიშვილის ნინო



ბედიასვილის შესრულებით, ნერსე ბანაშის პატივისცემის ნიშნად ააჟღერა.

თავიანთი დამოკიდებულება საღამოზე მოწვეულ ხელოვანთა მიმართ გამოხატეს აფხაზეთის მთავრობის თავმჯდომარის მოვალეობის შემსრულებელმა ვახტანგ ყოლბაიამ და ჟურნალისტმა გვანჯი მანამ. ბატონი ვახტანგისთვის სულიერებისა და კულტურის ცენტრის მიერ ჩატარებული ყველა ღონისძიება მაღალ კრიტერიუმებს მიესადაგება - დევნილი მოსახლეობის არა მხოლოდ სატიკვარი გამოაქვს სააშკარაოზე, სამომავლო გზის კონტურებზეც მიანიშნებს. ბატონი გვანჯისთვის აფხაზეთი მისი სულიერი ცხოვრების ქვაკუთხედი და ღრმად სწამს საქართველოს ამ ნალკოტის ბედნიერი მომავალი.

აფხაზეთის მკვიდრმა, პოეტმა გიორგი ბალახაშვილმა დამსწრეთ ნაუკითხა ჭაბუკი ქოიავას ნოსტალგიური სუნთქვით გამსჭვალული: „ზღვისპირა პალმას ჩამოტყდა ტოტი“. საკუთარი რეპერტუარიდან კი ახალი, მწვავე სადისკუსიო ლექსით - „ქალაქს“ - გამართა დიალოგი პოეზიის მოყვარულ მსმენელთან. „ეს იყო თბილი და საჭირო შეხვედრა მონატრებულ ადამიანებსა და მათ შემოქმედებასთან“ - ასეთი ვერდიქტი გამოიტანა ახალგაზრდა პოეტმა.

შეხვედრა-საღამოს ღირსეული წერტილი მოუქმენეს ორგანიზატორებმა: ქალბატონმა სვეტლანა ქეცბამ სამივე სტუმარს საჩუქრად გადასცა კალიგრაფ ლეილა ბაღბაიას ნატიფი ხელწერით შესრულებული, ჩარჩოში ჩასმული მათი გვარ-სახელები.

ყველა შეხვედრა წარმავალია, იმნუთიერია, დავინყების ბურუსი შთანთქავს ყოველივეს; ასეთი უღმობელია დრო, მაგრამ საკუთარი ფესვების გადარჩენისკენ სწრაფვას ჟამი ვერაფერს დააკლებს...

ვაჟა ძიგუა

## დაუპინწყარი სოხუმი და შავი ზღვის თეთრი ქალი (თინა ბოლქვაძე - 100)

ა.წ. 19 სექტემბერს აფხაზეთის სულიერებისა და კულტურის ცენტრში შედგა საქართველოს და აფხაზეთის სახალხო არტისტის, ყველასათვის საყვარელი მსახიობისა და მოქალაქის, ლტოლვილობაში გარდაცვლილი თინა ბოლქვაძის საიუბილეო საღამო. შეხვედრაზე თავი მოიყარეს მისმა კოლეგებმა, ქართული თეატრისა და კინოს ცნობილმა მოღვაწეებმა, კრიტიკოსებმა, მისი შემოქმედების

თაყვანისმცემლებმა. შეხვედრა შესავალი სიტყვით გახსნა მასპინძელი ცენტრის ხელმძღვანელმა სვეტლანა ქეცბამ. მან მადლობა გადაუხადა სტუმრებს მსახიობის ღვაწლის დაფასებისთვის და მოკლედ დაახასიათა ის დიდი წვლილი, რაც შეიტანა ქალბატონმა თინამ აფხაზი და ქართველი ხალხის დამეგობრებაში და **გაგრძელება მე-6 გვ.**

დასანყისი მე-5 გვ.

რომ თინა ბოლქვაძე ერთნაირად საყვარელი იყო აფხაზეთში მცხოვრები ყველა ერის წარმომადგენლისათვის.

შეხვედრის კამერტონად გაუღერდა კომპოზიტორ ლელა მაქარაშვილის მიერ ვირტუოზულად და შთაგონებით შესრულებული იმპროვიზაცია გოგი ჩლაიძის სიმღერის - „გამარჯობა, აფხაზეთო, შენი“ თემაზე.

ამ გულთბილი მისალმების შემდეგ, საღამო-შეხვედრას სათავეში ჩაუდგა აფხაზეთის განათლებისა და კულტურის მინისტრი, საქართველოს სახალხო არტისტი დიმიტრი ჯაიანი. მან მისთვის ჩვეული მგზნებარებით გაიხსენა ქალბატონ თინას უნიკალური სამასხიობო და ადამიანური თვისებები, ხაზი გაუსვა მის კომუნიკაბელობას, იუმორის განსაკუთრებულ გრძობას, არტისტულ და გარეგნულ მომხიბლავობას, აღნიშნა ის გასაოცარი გარემო და შესხამებლობა, რაც თან სდევდა აფხაზეთი და ქართული დასის შემოქმედებას, ვიდრე მათ თავს მოახვედნენ პოლიტიკურ ავანტიურებს. მან აღნიშნა, რომ ამ ჰარმონიის ერთ-ერთ მთავარ ინსპირატორად სწორედ ქალბატონი თინა გვევლინებოდა. მასხიობმა განცვიფრება გამოიქვამა იმის გამო, რომ თვით ყოფითი სისუსტეებიც კი (თუნდაც ის, რომ კულინარიის საკითხებში „ჩაუხედავი“ იყო), ავსებდა და ამდიდრებდა ამ უნიკალური მასხიობი ქალის გარეგნულ თუ შინაგან პორტრეტს.

შემდგომ ამისა მან სიტყვა გადასცა ცნობილ თეატრმცოდნე ნათელა არველაძეს.

ქალბატონმა ნათელამ ვრცლად ილაპარაკა თინა ბოლქვაძის პიროვნული და შემოქმედებითი ინდივიდუალობის შესახებ, იმ საგვარეულო, კულტურული თუ შემოქმედებითი გარემოს შესახებ, რომელშიც იზრდებოდა სახალხო არტისტი და რამაც განაპირობა კიდევ მისი მაღალი საშემსრულებლო და სცენური კულტურა. მისი აზრით, ეს ვითარება განსაკუთრებით მკაფიოდ ვლინდებოდა მასხიობის მიერ უცხოურ პიესებზე დაყრდნობით შექმნილ სცენურ სახეებში, სადაც მისი მხრიდან მკაფიოდ ჩანდა დრამატურგის მიერ შემოთავაზებული პერსონაჟისა და ვითარების სრულყოფილი წვდომა. მან გაიხსენა მასხიობთან ურთიერთობის არაერთი ეპიზოდი, მკაფიოდ აღნიშნა, რომ ყველა ნიშნის მიხედვით თინა ბოლქვაძე სოხუმის ქართული დრამატული თეატრის დედოფლად მოიაზრებოდა და დიდი ავტორიტეტით სარგებლობდა აფხაზეთის ყველა დონის სამთავრობო თუ კულტურულ წრეებში. გაიხსენა არაერთი ფაქტი, მათ შორის კურიოზულიც კი, იმასთან დაკავშირებით, თუ როგორ უწევდნენ ანგარიშს ამაგდარ მასხიობს და ხშირად შეუძლებელსაც აკეთებდნენ ხოლმე მის მიმართ პატივისცემისა და მოწინების გამო.

სიტყვა გადაეცა ცნობილ პოეტსა და საზოგადო მოღვაწე გენო კალანდიას.

ბატონმა გენომ დამსწრე საზოგადოებას მადლობა გადაუხადა მასხიობის ღვაწლის პატივდებისათვის. მან გამოჰყო რამდენიმე მნიშვნელოვანი შტრიხი მისი და თინას შემოქმედებითი და პირადი ურთიერთობებიდან, აღნიშნა ის, რომ თინა ბოლქვაძე წუნუნავეების სახელგანთქმული სავარეულოს წარმომადგენელი იყო, რომლის სათავეში იდგა სახელოვანი შემოქმედი და მამულიშვილი ალექსანდრე წუნუნავა. მისი აზრით, გარეგნული ღირსებების თვალსაზრისით, თინა ბოლქვაძეს და მედეა ბიბილეიშვილს სოხუმის თეატრში ბადალი არ ჰყავდათ. მან თინას პოპულარობის დასტურად გაიხსენა რამდენიმე ფაქტი და დასძინა, ეს იუბილე სოხუმის თეატრში რომ ჩატარებულიყო, იმ დიდ დარბაზშიც კი ტევა არ იქნებოდაო.

ცნობილმა რეჟისორმა და მწერალმა ზურა კანდელაკმა გაიხსენა იმ პერიოდის სოხუმის თეატრი და გაკვირვება გამოიქვამა იმის გამო, რომ, როცა ამ თეატრში სადიპლომო სპექტაკლს დგამდა, ქალბატონი თინა, თურმე, 50 წლისა ყოფილა. ახალგაზრდული შემართებიდან და უნაკლო გარეგნობიდან გამომდინარე, გამომსვლელმა ეჭვიც კი გამოიქვამა თინა ბოლქვაძის უახლოესმა ნათესავებმა და მეგობრებმა დაუდასტურეს თარიღის სისწორე. მან ხაზი გაუსვა ამ მართლაცდა გამორჩეული მასხიობის არისტოკრატიზმს, მის უნარს, ყოფილიყო მზრუნველი და ყურადღებიანი კოლეგების მიმართ, რომ ამ მასხიობს ჰქონდა ამბის ხატოვნად მოყოლის გასა-

ოცარი უნარი და ხშირად მითებსაც კი ქმნიდა ამა თუ იმ მოვლენის გარშემო. მის მიმართ საყოველთაო პატივისცემის ნიშნად ზურა კანდელაკმა გაიხსენა ეპიზოდი, რომელიც დაკავშირებული იყო ელიზბარ გოგიტიძესთან, ცნობილ გემის კაპიტანთან, რომელიც ქალბატონ თინას ნიჭის მხურვალე თაყვანისმცემელი იყო. ბატონ ელიზბარს სოხუმის თეატრში სპექტაკლზე დასწრების სურვილი გამოუთქვამს და გაუგია რა, რომ მთავარ როლს თინა ბოლქვაძე ასრულებდა, ხმამაღლა განუცხადებია, თუ ასეა, ყველა ბილეთს მე ვყიდულობო.

ზურა კანდელაკმა გაიხსენა, ასევე, ჭადრაკში მსოფლიოს მრავალგზის ჩემპიონ მიხეილ ბოტვინიკის ხშირი სტუმრობა ქალბატონ თინასთან, შეხვედრები საბჭოთა კავშირის სხვა ცნობილ ადამიანებთან, რომლის უცვლელი ინიციატორი სწორედ თინა იყო. მან გამოთქვა ნოსტალგია იმ ბედნიერი წლების მიმართ და ყველას უსურვა იმ მეგობრული ატმოსფეროს აღდგენა, რაც სუფევდა იმდროინდელ სოხუმში.

დიმიტრი ჯაიანმა ალექსანდრე ჩხაიძის პიესა „შთამომავლობაში“ თინას მიერ შესრულებულ დედის როლთან დაკავშირებით ბრძანა, რომ თვით ვერიკო ანჯაფაროძის გენიალურმა შესრულებამაც კი არ დააფრთხო ქალბატონი თინა, მან სულ სხვა ფსიქოლოგიური შტრიხები შესძინა და განსხვავებული რაკურსით წარმოაჩინა უნიკალური მხატვრული სახე.

„სოხუმი არ იყო დასვენებისა და უსაგნო გართობა-მხიარულების ადგილი, - ასე დაიწყო თავისი გამოსვლა კლასიკური ბალეტის პოპულარულმა მოცეკვავე მაკა მახარაძემ, - სოხუმი იყო გზაჯვარედინი, საბჭოთა კავშირში მცხოვრებ ხელოვანთა გადაკვეთის წერტილი, რის გამოც მას სრულიად დამოუკიდებელი ფუნქცია ენიჭებოდა. და რომ ამ გზაჯვარედინს მასპინძლობდა თინა ბოლქვაძე და სტუმრებს შორის ურთიერთობას ხშირად თავად არეგულირებდა კიდევ. სწორედ ის იყო შეხვედრებისა თუ თემატური საღამოების ორგანიზატორი, არაჩვეულებრივი გარეგნობის, ყოველთვის მონესრიგებული, იუმორით აღსავსე ამბების მთხრობელი და საერთო სიხალისის შემომტანი. მას ამაში ხელს უწყობდა დახვეწილი გემოვნება, ბუნებრივი არტისტიზმი“. ქალბატონმა მაკამ გაიხსენა თეატრალური ცხოვრების ერთი უაღრესად საინტერესო ეპიზოდი. ის, ჯერ მთლად პატარა, დედას - მედეა ჩახავას და თინა ბოლქვაძეს წაუყვანიათ ბალეტ „ოტელოს“ პრემიერაზე. სპექტაკლის შემდეგ, ქალბატონ თინას ინიციატივით, ისინი მისულან ვახტანგ ჭაბუკიანთან წარმატების მისალოცად. ბატონ ვახტანგს გადაუუკოცინა ყველანი. ქალბატონ თინას უთქვამს, პირს აღარ დავიბან, რომ თქვენი კოცინის ანაბეჭდი არ წამეშალოსო, რაზეც ვახტანგს გულიანად გაუცინია და კიდევ ერთხელ გადაუუკოცინა თინა. მან ზუსტად იცოდა, ვისთან რა ეთქვა და როგორ მოეპოვებინა ადამიანების კეთილგანწყობა.

ამ ეპიზოდს ერთი სახალისო ისტორიაც დაუმატა. თინა ბოლქვაძეს პატარა ალიკო საბავშვო ბაღში მიუყვანია. ერთხელ, როცა მის წამოსაყვანად მისულა, ასეთი სურათი დახვედრია: აღმზრდელი განმარტოებით იჯდა და რალაცას კითხულობდა. ბავშვები იკლებდნენ იქაურობას. თინას დანახვაზე იგი წამომხტარა და მთელი ხმით უყვირია „ალექს! ბუნებრივი, ალიკომ არც კი იცოდა, რომ მას ალექსიც ჰქვია და ამაზე არავითარი რეაგირება არ მოუხდენია. თინა იძულებული გამხდარა თავისი წკრიალა ხმით ეყვირა „ალიკ, მე მოვედი!“ აღმზრდელს გულითადი მადლობა გადაუხდია „ესოდენ საჭირო“ დახმარებისათვის.

ქალბატონი მაკა დაეთანხმა ნინა გამომსვლელებს, რომ სოხუმი მართლაც იყო დღესასწაული და დაუფინყარი ყველასთვის, ვისაც თუნდაც ერთხელ ჰქონია ამ ქალაქთან შეხება. მან მადლობა გადაუხადა დამსწრე საზოგადოებას თინას ღვაწლის გულთბილი დაფასებისთვის.

დიმიტრი ჯაიანმა აღნიშნა, რომ არა მარტო მედეა ჩახავა, კოტე მახარაძე და ქალბატონი თინაც უახლოესი მეგობრები იყვნენ და რომ მათ აახლოებდა განსაკუთრებული ატმოსფეროს შექმნის უნარი.

შემდგომ ამისა ტრიბუნა დაეთმო ცნობილ სპორტულ კომენტატორსა და მასხიობ ივიკო მახარაძეს, რომელმაც გამოთქვა სინანული იმის გამო, რომ არ ჰქონდა ბედნიერება სპექტაკლი ეთამა-

შა ქალბატონ თინასთან ერთად. მიუხედავად ამისა, მას არაერთი შეხვედრა დაამახსოვრდა და სრულიად დაეთანხმა იმ აზრს, რომ სოხუმი იყო დღესასწაულის ადგილი, ხოლო თინა ბოლქვაძე - ამ დღესასწაულის ერთ-ერთი მთავარი ფიგურანტი.

დიმიტრი ჯაიანმა ხაზი გაუსვა იმ გარემოებას, რომ თეატრის ფანატიკური სიყვარულის მიუხედავად, თინა ბოლქვაძე იყო არაჩვეულებრივი დედა, უაღრესად მზრუნველი და მოსიყვარულე. მან გამოთქვა მოსაზრება, რომ მისი ვაჟის, ალიკო კვაჭაძის ფართო ერუდიცია და თეატრის სიყვარული განაპირობა სწორედ მათ ოჯახში შექმნილმა კულტურულმა და შემეცნებითმა ატმოსფერომ.

სიტყვა წარმოსათქმელად გადმომეცა მე, ამ რეპორტაჟის ავტორს. თვალწინ წარმომიდა ქალბატონი თინა სცენაზე და ცხოვრებაშიც და პირველრიგად დამსწრეთა ყურადღება გავაძახვილე მის არტისტული გამოსხივების უნარზე, რაც, ჩემი აზრით, ამ მსახიობის განსაკუთრებული ადამიანური ენერგეტიკიდან გამომდინარეობდა, რომ მას გააჩნდა უნარი, მთლიანად დაეპყრო მაყურებლის ყურადღება და დასამახსოვრებელი გამხდარიყო თვით უმნიშვნელო ეპიზოდის შესრულებითაც. აღვნიშნე ისიც, რომ ქალბატონი თინა იყო უნიკალური სახასიათო მონაცემების მქონე მსახიობი, რომელსაც, ამასთანავე, უნარი შესწევდა ეთამაშა ღრმად დრამატული როლები. მისი იუმორი განსხვავდებოდა ჩვეულებრივი სცენური კომიზმისაგან და მუდმივად ახლდა ქალური მომხიბლაობა და თვითირონია, ასევე ხელწიფებოდა ტრაგიკომიკური როლების შესრულება და გააჩნდა უნარი, მთელი სისავსით გაეჟღერებინა სიტუაციის თუ მოვლენის არა მარტო კომიზმი, არამედ ტრაგიზმიც.

ვთქვი იმის შესახებაც, რომ ქალბატონი თინა იყო მოარული პერსონაჟების ბრწყინვალე ინტერპრეტატორი და ამასთან დაკავშირებით გავიხსენე ჩვენი დიალოგი კატარინას ფსიქოტიპის შესახებ შექსპირის კომედია „ჭირვეულის მორჯულებაში“. ეს როლი ნათამაშები ჰქონდა ქალბატონ თინას და გულმოდგინედ ამტკიცებდა, რომ კატარინას ჭირვეულობა ნამდვილი მამაკაცის ძიება უფროა, ვიდრე ლამაზი ქალის უბრალო კაპრიზები. ბუნებრივია, მისი კატარინა სხვას არ დაემსგავსებოდა.

ასევე გამოვთქვი გულისტკივილი იმის გამო, რომ აფხაზეთში განვითარებულმა ცნობილმა ნეგატიურმა მოვლენებმა იგი აიძულა მონყვეტოდა თავისი შემოქმედების უსაყვარლეს კერას და ახალ თაობას არ მიეცა საშუალება დამტკბარიყო ამ უნიკალური მსახიობის უაღრესად საინტერესო შემოქმედებით.

ქალბატონ თინას კოლეგამ, ცნობილმა მსახიობმა ლიანა მიქაშავიძემ ყურადღება გაამახვილა იმ გარემოებაზე, რომ თინა ბოლქვაძეს გააჩნდა განსაკუთრებული უნარი, ყველგან და ყოველთვის ეპოვა თავისი კუთვნილი ადგილი. ამის მაგალითად მან გაიხსენა მისი მოღვაწეობა რუსთაველის თეატრში თეატრალური ინსტიტუტის დამთავრების შემდეგ. მიუხედავად იმისა, რომ იგი თავიდანვე აღმოჩნდა კორიფეების გარემოცვაში, მას არ დაუკარგავს თავისი ინდივიდუალობა და მისი გადაწყვეტილება, გამხდარიყო სოხუმის თეატრის მსახიობი, ნაკარნახევი იყო არა კორიფეებთან მეტოქეობის შიშით, არამედ სურვილით, თეატრში თავად გამხდარიყო შემოქმედებითი ტონის მიმცემი. აღნიშნა მისი გარეგნული მახასიათებლები: სინაზე, ქალურება, მსახიობის სახელზე მოწერილი წერილების სათაური – „შავი ზღვის თეთრ ქალბატონს“.

მოიგონა, აგრეთვე, ერთი საინტერესო შემთხვევა თინა ბოლქვაძის შემოქმედებითი ბიოგრაფიიდან: სოხუმის აფხაზური დასი გასტროლებს მართავდა მოსკოვში და მონაწილეობის მისაღებად მიიწვიეს ქართული დასის თვალსაჩინო წარმომადგენლები, მათ შორის თინა ბოლქვაძე. მათ დააკისრეს უსიტყვო როლები მასაში, რადგან არც ერთმა მათგანმა არ იცოდა აფხაზური ენა. თინამ ყველა აფხაზური სიტყვა, თუ რამ იცოდა, მთლიანად გამოიყენა უსიტყვო როლის შესრულების დროს და რუს კოლეგებს შეუქმნა შთაბეჭდილება, რომ ფლობდა აფხაზურ ენას. სპექტაკლის შემდეგ მას, თურმე, რუსი კოლეგები ულოცავდნენ არა მხოლოდ კარგად შესრულებულ როლს, არამედ აფხაზური ენის ცოდნასაც.

ლიანა მიქაშავიძემ გაიხსენა, რომ სიცოცხლეში თინა არასოდეს აღნიშნავდა საიუბილეო თარიღებს, რადგან არ უყვარდა ასაკის გამხელა. ამასთან აღნიშნა, რომ იგი იყო უაღრესად პრინცი-

პული ადამიანი და არასოდეს მიდიოდა რაიმე დათმობაზე. ერთხელ სოხუმის თეატრის დასის წარმომადგენლები უნდა შეხვედროდნენ მსჯავრდებულებს თავისუფლების აღკვეთის ადგილას და ქალბატონები გააფრთხილეს, რომ არ ჩაეცვათ გამომწვევად. განსაკუთრებული აკრძალვის ქვეშ მოექცა დეკოლტე, ესოდენ საყვარელი აქსესუარი თინას ჩაცმულობაში. მას კატეგორიული უარი განუცხადებია ასეთ შეზღუდვაზე და მსჯავრდებულთა წინაშე მაინც დეკოლტეთი წარმდგარა.

ამის შემდეგ დიმიტრი ჯაიანმა ჩვეული ოსტატობით და ამაღლებულად წარმოთქვა რეზო ამაშუკელის ლექსი „შუაფხო“, რასაც მოჰყვა დამსწრეთა მხურვალე ტაში.

სიტყვა კვლავ ნათელა არველაძემ აიღო. მან ყურადღება გაამახვილა იმ ფაქტზე, რომ თინა ბოლქვაძე უნდა მოვიხსენიოთ არა მხოლოდ როგორც გამორჩეული მსახიობი, არამედ როგორც გამორჩეული საზოგადო მოღვაწეც, რომელმაც სხვებთან ერთად დიდი წვლილი შეიტანა ქართულ-აფხაზურ ურთიერთობათა ისტორიაში და დასძინა, პოლიტიკური ავანტიურები რომ არა, დღეს საქართველოში სულ სხვა ვითარება გვექნებოდაო.

მუსიკისმცოდნე და თეატრმცოდნე თამარ წულუკიძემ თავისი გამოსვლა დაიწყო იმით, რომ თინამ წულუკიძეების ოჯახში გაატარა თავისი ბოლო წლები, შეჩერდა თინასა და მამის - ანტონ წულუკიძის ურთიერთობაზე, რომელიც უფრო და-ძმურს ჰგავდა, ვიდრე უბრალოდ დეიდაშვილურს. აღნიშნა ისიც, რომ მას არც თბილისში შეუწყვეტია ინტენსიური ურთიერთობები თავის აფხაზ და რუს მეგობრებთან.

თამარმა თინას დაუოკებელ ტემპერამენტთან დაკავშირებით გაიხსენა აკაკი ხორავას სიტყვები თინას შესახებ, რაც მამისგან ჰქონდა გაგონილი: „ეგ ისეთი ქალია, შუა ზღვაში გემს გააჩერებსო“. არადა მსგავსი ფაქტი მართლაც მომხდარა. იმის გამო, რომ გემი უკვე გასვლას აპირებდა, რუსთაველის თეატრის მსახიობებს არ დართეს ნება დასათვალისწინებლად გემზე ასულიყვნენ. თინას ჩარევის შემდეგ კი ეს საკითხი მაშინვე მოგვარებულა.

შემდგომ გავაცნო მსახიობ ნოდარ მაგალობლიშვილის მოგონება. ბატონი ნოდარი მოსკოვში ჩასულა ქართულ საფეხბურთო კლუბ „დინამოს“ ძალიან მნიშვნელოვან მატჩზე დასასწრებად. პარალელურად, იმავე დროს, მოსკოვში გასტროლებს მართავდა ლოურენს ოლივეს სპექტაკლ „ოტელოთი“, სადაც ასრულებდა ოტელოს როლს. ბუნებრივია, ნოდარს ამ სპექტაკლის ნახვა ძალიან აინტერესებდა, მაგრამ ბილეთების შოვნის იმედს არ ჰქონდა არც სპექტაკლზე და არც ფეხბურთის მატჩზე. და აი, იგი შემთხვევით ქუჩაში შეხვდა თინა ბოლქვაძეს, რომელმაც ჰკითხა, ოლივეს სახანავად ჩამოხვედი თუ „დინამოს“ მატჩზე დასასწრებად? ორივესიო, უთქვამს ნოდარს, მაგრამ უბილეთობის გამო, მგონი, ვერც ერთზე ვერ მოხვდებითო. თინას უთქვამს, „დინამოს“ ბილეთისა რა მოგახსენო, აი „ოტელოს“ ბილეთს კი მე გიმოვნო. მარტო ხომ არ მოხვალ, ამიტომ სალაროში შენს სახელზე ორი ბილეთი იქნება გადანახულიო.

იმავე დღეს ქუჩაში მიმავალს კვლავ შემოესმა ძახილი „ნოდარო“. ამჯერად თურმე „დინამოს“ კაპიტანი შოთა იამანიძე უხმობდა. შოთას დაუჩივლია, ოლივეს სპექტაკლზე მინდა დასწრება და ბილეთს ვერ ვშოულობო. ნოდარს მისთვის შეუთავაზებია ბილეთი, სამაგიეროდ, შოთას „დინამოს“ მატჩზე დასასწრები ბილეთი გადაუცია.

სპექტაკლის შემდეგ ნოდარი და შოთა მისულან თინასთან მადლობის სათქმელად. იქ მადლობის მთქმელთა რიგი დახვედრიათ. როცა მასთან მივიდნენ, თინას უთქვამს: მადლობას მე რას მეუბნებით, წამოდით და თქვენი აღფრთოვანება ლოურენსს გამოუცხადეთო, და გაცოცხლდეთ თანამემამულეებს წინ გასძღოლია. ნოდარი ყვებოდა, ლოურენსი თარჯიმნის დახმარებით რაღაცას ეუბნებოდა თინას, მერე კი საერთო სიცილი შემოგვესმაო. თარჯიმანს უთქვამს ოლივესთვის, ქალბატონ თინას დეზდემონა აქვს ნათამაშებიო, ამაზე ოლივეს პასუხი ასეთი ყოფილა: ამისთანა დეზდემონას ნამდვილად ვერ დავახრჩობდითო.

ამ მოვლენებს დარბაზში სიცილი და ტაში მოჰყვა.

თამარი დაეთანხმა ზურა კანდელაკს, თინა მითებს ქმნიდაო და დაუმატა, რომ ის თავად იყო მითური გმირი. შემდეგ გაიხსენა გიგა გაგრძელება მე-8 გვ.

დასაწყისი მე-7 გვ. ლორთქიფანიძის სიტყვები, სოხუმის ხიბლი, ყველაფერთან ერთად, მის ადამიანებში იყო და ერთ-ერთ ასეთ ადამიანად ყოველთვის მეგულებოდა თინა ბოლქვაძე.

შემდგომ ამისა, თამარმა დასვა რიტორიკული შეკითხვა, რამდენად სწორი იყო ქალბატონი თინას გადაწყვეტილება, რუსთაველის თეატრიდან გადასულიყო სოხუმის თეატრში და თავადვე უპასუხა, რომ, ალბათ, სწორი იყო, რადგან რაც უფრო მეტად გავავრცელებთ ტალანტებს საქართველოს თუ მსოფლიოს სხვადასხვა კუთხეში, ერი მით უფრო მოგებულნი დარჩება.

თამარის თქმით, თინა ამაცობდა თავისი საგვარეულო წარმომავლობით. როგორც ისტორიული წყაროები მოწმობს, ბოლქვაძეები მე-17 საუკუნიდან აზნაურებად იხსენიებიან. მათ მონაწილეობა მიღებული აქვთ უამრავ აჯანყებაში. ცნობილია, რომ 1819-20 წლის აჯანყების დროს იოთამ ბოლქვაძე პირადად გასწორებია გურიის მღელვარების ჩასაქრობად მოვლენილ სადამსჯელო რაზმის უფროს პოლკოვნიკ პრუზირევსკის.

დასასრულს თამარმა გამოხატა მადლიერება იმ ოაზისის შექმნის გამო, რადაც ამჟამად გვევლინება აფხაზეთის სულიერებისა და კულტურის ცენტრი.

ქალბატონმა სვეტლანა ქეცბამ მადლობა გადაუხადა დამსწრე საზოგადოებას ასეთი თბილი სალამოსათვის და გამოთქვა იმედი, რომ მსგავსი შეხვედრები ხელს შეუწყობს იმ სულიერების აღორძინებას, რაც ასე გვხიბლავდა სოხუმის კულტურის ატმოსფეროში და რაც ნიმუშად უნდა იქცეს მომავალი თაობებისათვის.

შეხვედრა გაგრძელდა „ა ლა ფურშეტის“ სახით სუფრასთან, ტორტისა და წითელი ღვინის თანხლებით. სადღეგრძელოების მთავარი გმირი კვლავ იყო ქალბატონი თინა ბოლქვაძე და დაუფინყარი დღესასწაული, სახელწოდებით „სოხუმი“...

მერაბ გიგია

ხელოვნებათმცოდნეობის

მეცნიერებათა დოქტორი

სახელმწიფოსა და კოტე მარჯანიშვილის სახელობის

პრემიის ლაურეატი

## ქეშმარიტი დიფერანცურა

ბედნიერებაა იყო შემოქმედებითი სულის მატარებელი! ეს მაღლიდან ბოძებული მადლია, სილამაზის მომდღვარებული აღქმა, ყოველდღიური მატერიალური საზრუნავის ნაკლებმნიშვნელოვნად მიჩნევა, დიდი შინაგანი ენერჯის ფლობა სიყვარულისთვის, მზაობა ირგვლივმოცუბზე ზრუნვის არეალის გასავრცობად, ყოველივე ამის უკუგება კი დიდი სიხარულია, როგორც თავად პიროვნების, ისე მის გარშემომყოფთათვის.

უნებურად ამ აზრებით განვიმსჭვალე 2016 წლის 15 ივლისს წმ. თამარ მეფის სახელობის უნივერსიტეტის საკონფერენციო დარბაზში „ქართული აღმანახის“ პრეზენტაციაზე ჟურნალის თვალის ერთი გადავლებითანავე. სხვაგვარად ვერც იფიქრებდი, თუნდაც იმიტომ, რომ ამ სქელტანიანი ჟურნალის თაოსანი და მთავარი რედაქტორი წმ. თამარ მეფის სახელობის დედათა მონასტრის (თამარწმინდას) წინამძღვარი, საქართველოს საპატრიარქოს ჯანდაცვის დეპარტამენტის თავმჯდომარე, წმ. თამარ მეფის სახელობის უნივერსიტეტის რექტორი და თბილისის იოანე ღვთისმეტყველის სახელობის ეკლესიის წინამძღვარი არქიმანდრიტი ადამია (ახალაძე).

მართლაც, მხოლოდ შემოქმედებით ნიჭს ძალუძს გაუჩინოს ადამიანს დაუოკებელი მოთხოვნილება აკეთოს იმაზე მეტი, ვიდრე უკვე აკისრია, მუდმივად იყოს ძიებაში, სულდგმულობდეს ახალ-ახალი იდეებით და ადვილად პოულობდეს თანამოაზრეებს ამ იდეების განსახორციელებლად.

საკითხთა რა სიმრავლე და მრავალფეროვნება! დროისა და გეოგრაფიული სივრცის რა მასშტაბი! რამდენი ღირსეული, უკვე ისტორიის კუთვნილება თუ ჩვენი თანამედროვე პიროვნება, რომლებიც მუდმივად უნდა ახსოვდეთ საქართველოს მოქალაქეებს!

მთავარი მაინც აღმანახის მიმართულებაა, რასაც თავიდანვე ვეცნობით გაზეთ „ივერიის“ N1-დან ამობეჭდილ წერილში.

წავიკითხოთ „ქართული აღმანახი“, რათა გავითავისოთ ილია ჭავჭავაძის შეგონება: „ჭეშმარიტი ლიტერატურა ყველგან და ყოველს შემთხვევაში მართებულობის, ზრდილობის, ადამიანის ღირსების ფარიც არის და ხმალიცა“.

ლია სპენიაშვილი

## გზა სულიერი ავადღობისაკენ

ტრადიციულად, აფხაზეთის სულიერებისა და კულტურის ცენტრი დეკანოზ ბიძინა გუნიას ხელმძღვანელობით აგრძელებს საქართველოს წმიდა ადგილების მოლოცვას. ამჯერად გეზი ავიღეთ ნოკორნის (ნოტკორის) მონასტრისაკენ, რომლის შესახებაც ვახუშტი ბაგრატიონი გადმოგვცემს: არაგვსა წირდალის ხევის შესართავის „ქუეით ერთვის არაგუს ნოკორნის ხევი ... ამის თავს არს ნოკორნა, მონასტერი გუმბათიანი, კეთილშენი, დიდი. ესე აღაშენა ... მეფემან არჩილ და ყო მონასტრად. შემდგომად წამებისა მისისა ცოლმან მისმან დაფლა წმიდა გუამი მისი მუნ“.

პირველი ცხებულები მეფე, ვინც ქრისტესა და მამულისათვის ეწამა, წმ. არჩილი იყო. მან სარკინოზთა წინაშე უშიშრად აღიარა მაცხოვარი, რისთვისაც თავი მოჰკვეთეს. მეფის წმინდა ცხედარი დიდი პატივით დაკრძალეს მისსავე აშენებულ ტაძარში.

წმ. მეფე არჩილის მონასტერი VIII საუკუნის ძეგლია. სამო-

ნასტრო კომპლექსი შედგება ორი ბაზილიკური ტიპის ეკლესიის, კოშკის, მარნის, ბერების სამყოფი ნაგებობის და გალავნისგან. არჩილის მონასტერში დღესაც გრძელდება მონასტრული ცხოვრება. წყაროებში პირველად მოხენიებულია VIII ს-ის ამბების თხრობისას (ქც 1: 248,7). ის წყაროებში სხვადასხვა ფორმითაა მოხსენიებული: ნოკორნა, ნოტკორა, ნადოკრა, ნოდოკრა, ნაკორნა. სოფ. ნოკორნა მცხეთის სვეტიცხოვლის კუთვნილება იყო (ქართ. სამართ. ძეგ. 1965: 199). ის შედიოდა ერწო-თიანეთის საეპისკოპოსოში (ქართ. სამართ. ძეგ. 1970: 235). ნოკორნა-ნოტკორა ძვეს ერწოს საზღვარზე. აქ გადიოდა არაგვიდან ერწოში შემავალი ერთ-ერთი გზა. მდებარეობს თიანეთის მუნიციპალიტეტში, თიანეთიდან 29 კმ-ის დაშორებით, ერწოს ველის სამხრეთ-დასავლეთ ნაწილში, სოფ. სიონთგორთან.

მამა ბიძინამ მონასტერში საჯანმრთელო პარაკლისი გადაინახა.



# ჯვართაძაღვრის - მსოფლიო აძაღვრის ცხოველსმყოფელისა და პატრიოსხისა ჯვართისა

14 სექტემბერი (27 სექტემბერი)

ღვთის განგებით, მაცხოვრის ჯვარცმადან სამასი წლის შემდეგ ქრისტიანებმა მანამდე დაკარგული უდიდესი ქრისტიანული სინმიდე - ცხოველსმყოფელი ჯვარი უფლისა ისევ მოიძიეს და მისი თაყვანისცემის შესაძლებლობა მიეცათ. ეს მოხდა 326 წელს, მოციქულთასწორი იმპერატორის, კონსტანტინე დიდის (306-337) დროს.

რომის წარმართი იმპერატორები ცდილობდნენ, ადამიანთა ცნობიერებიდან აღმოეფხვრათ იმ წმიდა ადგილების ხსოვნა, სადაც ეწეო მაცხოვარი და დიდებით აღდგა. იმპერატორმა ადრიანემ (117-138) მინით დააფარვინა გოლგოთა და ქრისტეს საფლავი, შემდეგ კი ხელოვნურად შექმნილ ბორცვზე წარმართული ქალღმერთის, ვენერას ტაძარი და იუპიტერის კერპი აღამართვინა. კონსტანტინე დიდმა სასწაულებრივად ირწმუნა ქრისტე მას შემდეგ, რაც იმპერიისთვის გადაწყვეტი ბრძოლის წინ ცაზე იხილა ჯვრის ნიში წარწერით: „ამით სძლო!“. უფლის რჩეულმა ჯვრის ძალით მართლაც გამანადგურებელი დამარცხება აგემა წინააღმდეგომებს, რის შემდეგაც არ ასვენებდა სურვილი იმ ძელის მოძიებისა, „რომელთა ზედა მაცხოვარმა ჯვლინი განიპყრნა“. მან მოიხრებულ იერუსალიმში გაგზავნა დედამისი - კეთილმსახური დედოფალი ელენე, რომელსაც პატრიარქ მაკარისტან წერილიც გაატანა თხოვნით, ხელი შეეწყო წმიდა საქმისთვის. ნეტარი ელენე უკვე საკმაოდ მოხუცებული იყო, მაგრამ, ღვთის სიყვარულით აღძრული, ფრიად დაშვრა დიდი სინმიდის ძიებაში. იგი დიდხანს ამოად ცდილობდა, იერუსალიმის მკვიდრთაგან შეეტყო ჯვრის ადგილსამყოფელი. ბოლოს უფალმა მხცოვანი იუდეველის, იუდას მეშვეობით გააცხადა დაფარული. იპოვეს მაცხოვრის საფლავი, მის მახლობლად კი - სამი ჯვარი, დაფა პილატეს დავალებით გაკეთებული სამენოვანი წარწერით და ოთხი ლურსმანი, რომლითაც ძელზე მიამსჭვალეს ქრისტე. რომ გაეგოთ, რომელი იყო ცხოველსმყოფელი ძელი უფლისა სამივე ჯვარი რიგრიგობით შეახეს მიცვალებულს. მესიის ჯვრის შეხებაზე მკვდარი გაცოცხლდა. ურიცხვი ქრისტიანი შეიკრიბა სინმიდის თაყვანსაცემად. ისინი პატრიარქ მაკარის სთხოვდნენ, აღემართა ჯვარი, რომ ყველას შეძლებოდა მისი დანახვა. მაშინ მღვდელმთავარმა სხვა სასულიერო პირებთან ერთად სინმიდის ამალლება დაიწყო, ხალხი კი ხადილით: „უფალო, შეგვიწყალენ“, კრძალვით თაყვანს სცემდა მას. წმიდა ჯვრის აღმოჩენას კიდევ ერთი სასწაული ახლდა თან: მისი გადასახვით მძიმე ავადმყოფი ქალი განიკურნა. მოხუცმა იუდამ და სხვა ებრაელებმა ირწმუნეს ქრისტე და მოინათლნენ. ნათლის-

ღებისას იუდას კვირიაკე დაარქვეს. შემდგომში იგი იერუსალიმის ეპისკოპოსი გახდა, იულიანე განდგომილის (361-363) ზეობისას კი მონამებრივად დაასრულა სიცოცხლე (ხს. 28 ოქტომბერს). წმიდა ელენე დედოფალმა მაცხოვრის ამქვეყნიურ ცხოვრებასთან დაკავშირებული ადგილები ტაძრებით შეამკო: ოთხმოცზე მეტი ეკლესია აშენდა. კონსტანტინე დიდის ბრძანებით დაიწყო ქრისტეს აღდგომის ტაძრის მშენებლობა, რომელსაც გოლგოთა და უფლის საფლავი უნდა მოეცვა. ტაძარი დაახლოებით ათ წელს შენდებოდა და იკურთხა 335 წლის 13 სექტემბერს. მომდევნო დღეს, 14 სექტემბერს დაწესდა პატრიოსანი და ცხოველსმყოფელი ჯვრის ამალლების დღესასწაული.

ამ დღეს იხსენიება მესიის ჯვართან დაკავშირებული კიდევ ერთი მოვლენა - 14-წლიანი ტყვეობის შემდეგ მისი დაბრუნება სპარსეთიდან იერუსალიმში. იმპერატორ ფოკას (602-610) ზეობისას სპარსეთის მეფემ, ხოსრო II-მ დაამარცხა ბიზანტიელთა მხედრობა, დაარბია იერუსალიმი, გაიტანა უფლის ცხოველსმყოფელი ჯვარი და წმიდა პატრიარქი ზაქარია (609-633) ტყვედ ჩაიგდო. სინმიდე 14 წელი იმყოფებოდა სპარსეთში და მხოლოდ მას შემდეგ გადმოეცათ ქრისტიანებს, რაც იმპერატორმა ჰერეკლემ (610-641), ღვთის შეწვევით, დაამარცხა ხოსრო და საზავო ხელშეკრულება დადო მის ძესთან - სიროესთან. ცხოველსმყოფელი ძელი დიდი ზემოთ შემოაბრძანეს იერუსალიმში. იმპერატორი ჰერაკლე სამეფო გვირგვინითა და პორფირით შემკული მისავენებდა სინმიდეს აღდგომის ტაძრისკენ. მას გვერდით პატრიარქი ზაქარია მიჰყვებოდა. ბჭებთან, რომელიც უნდა გაეგლოთ გოლგოთაზე ამსვლელებს, მეფე უეცრად შედგა და გზის განგრძობას ვერ ახერხებდა. წმიდა ზაქარიამ აუხსნა: ეს - უფლის ანგელოზი გელობება წინ, რადგან მას, ვინც კაცობრიობის გამოსასყიდად აზიდა ჯვარი გოლგოთაზე, ეს გზა სიმდაბლით გაიარაო. მაშინ ჰერაკლემ მოისხნა გვირგვინი, სამეფო მანტიაც განიშოდა და უბრალო ტანსაცმლით დაუბრკოლებლად შეაბრძანა სინმიდე ტაძარში.

სიტყვაში ჯვართამალლების დღესასწაულზე ანდრია კრიტიკელი წერს: „ჯუარი ამალღების და სავსება ეკლესიისა შემოკრებების. ჯუარი ამალღების და ქალაქნი დღესასწაულობენ და ერნი მხიარულებად მოისწრაფიან, რამეთუ მოწვენებაცა ჯუარისა მიზეზ იქმნებოდა სიხარულისა და მორიდება - მჭმუნვარებისა“.

„წმიდანთა ცხოვრება“, ტ. III, თბილისი, 2001 წ.

## საკლესიო კალენდარი

### ოქტომბერი

- 1 ოქტ. (ჯვართამალლების შემდგომი) შაბათი – წმ. მთავარმონაშის ბიძინა ჩოლოყაშვილის და წმ. მონამეთა შალვასი და ელიზბარის, ქსნის ერისთავთა ხსენება (1661 წ.);
- 3 ოქტ. (ორშ.) – ერთაწმინდობა. წმ. დიდმონამე ევსტათი პლაკიდას ხსენება (დაახ. 118 წ.);
- 4 ოქტ. (სამშ.) – ჯვართამალლების დღესასწაულის წარგზავნა.
- 5 ოქტ. (ოთხშ.) – წინასწარმეტყველ იონას ხსენება (VIII ს. ქრისტეს წინ);
- 6 ოქტ. (ხუთშ.) – მუცლადღება პატრიოსნისა და დიდებულისა წინასწარმეტყველისა, წინამორბედისა და ნათლისმცემელისა იოანესი;
- 7 ოქტ. (პარ.) – პირველმონ. თეკლა მოც. სწორისა ხსენება (II);
- 9 ოქტ. სულთმოფენობიდან მე-16 კვირა.

- მიცვალება წმიდისა მოციქულისა მახარებლისა იოანე ღმრთისმეტყველისა (II ს. დასაწ.);
- დღესასწაული ივერიის ყოვლადწმიდა ღმრთისმშობლის ხატისა;
- 12 ოქტ. (ოთხშ.) – ღირ. ონოფრე გარეჯელის, საკვირველთმოქმედის ხსენება (XVIII ს.);
- 14 ოქტ. (პარ.) – მცხეთობა – სვეტიცხოვლობა:
  - დღესასწაული საუფლო კვართისა და ღმრთივბრწყინვალე და მირონ-მდინარე სვეტისა;
  - საფარველი ყოვლადწმიდისა დედუფლისა ჩვენისა ღმრთისმშობელისა და მარადის ქალწულისა მარიამისა;
  - მოც. სწორთა – მეფისა მირიანისა და დედოფლისა ნანას ხსენება;
- 15 ოქტ. (შაბ.) – დიდმონაშე არგვეთის მთავართა დავით და კონსტანტინე მხეიძეთა ხსენება (740);
- 16 ოქტ. სულთმოფენობიდან მე-17 კვირა. შავნაბადობა.
  - მღვდელმონ. დიონისე არეოპაგელის ხსენება;
- 17 ოქტ. (ორშ.) – მონ. ევდემოზ კათალიკოსის ხსენება (1642 წ.);
- 18 ოქტ. (სამშ.) – უბისობა.
  - ღირ. მამის გრიგოლ ხანძთელის ხსენება (861 წ.);
- 19 ოქტ. (ოთხშ.) – წმიდისა და ყოვლადქებულისა მოციქულისა თომასი (I ს.);
- 22 ოქტ. (შაბ.) – მოც. იაკობ ალფესის ხსენება (I ს.);
- 23 ოქტ. სულთმოფენობიდან მე-17 კვირა.
  - VII მსოფლიო კრების წმიდა მამათა ხსენება (787 წ.);
- 25 ოქტ. (სამშ.) – დღესასწაული იერუსალიმის ყოვლადწმიდა ღმრთისმშობლის ხატისა;
- 26 ოქტ. (ოთხშ.) – დღესასწაული ივერიის ყოვლადწმიდა ღმრთისმშობლის ხატისა;
  - ღირ. ანტონისა, ჭყონდიდელი მიტროპოლიტისა (1815).
- 29 ოქტ. (ხუთშ.) – ღირ. ზენონ იყალთოელის ხსენება (VI ს.);
- 30 ოქტ. სულთმოფენობიდან მე-19 კვირა.:
  - წმიდისა მამისა ჩვენისა იოსებ კათალიკოსისა, საკვირველთმოქმედისა (1770 წ.);
  - მონ. კოზმანისა, რომელი ქართლს ეწამა.
- 31 ოქტ. (ორშ.) – წმიდისა დიდებულისა, ყოვლად ქებულისა მოციქულისა და მახარებლისა ლუკასი (II ს.).

#### ნოემბერი

- 1 ნოემბ. (სამშ.) – წინასწარმეტყველ იოელის (800 წ. ქრ. წინ) ხსენება;
- 2 ნოემბ. (ოთხშ.) – ღირ. გაბრიელ სალოსის და აღმსარებლის (ურგებაძე) ხსენება;
- 3 ნოემბ. (ხუთშ.) – ღირ. ილარიონ დიდის ხსენება (371-372წ.);
- 4 ნოემბ. (პარ.) – დღესასწაული ყაზანის ყოვლადწმიდა ღმრთისმშობლის ხატისა;
- 5 ნოემბ. (შაბ.) – მოც. იაკობის, უფლის ხორციელად ძმის ხსენება (დაახ. 63წ.);
- 6 ნოემბ. სულთმოფენობიდან მე-20 კვირა
  - ყოვლადწმიდა ღმრთისმშობლის ხატის „ყოველთა მწუხარეთა სიხარულის“ ხსენება (1688 წ.);
- 7 ნოემბ. (ორშ.) – მონ. მარკიანეს და მარტვირის ხსენება (დაახ. 355 წ.);
- 8 ნოემბ. (სამშ.) – წმ. ალექსანდრეს, გურიისა და სამეგრელოს ეპისკოპოსის (1907 წ.) ხსენება;
  - დიდმონაშე დიმიტრი თესალონიკელის ხსენება (დაახ. 306 წ.);
- 10 ნოემბ. (ხუთშ.) – მღვდელმონაშე ნეოფიტესი, ურბნელი ეპისკოპოსის ხსენება (VII ს.);
- 11 ნოემბ. (პარ.) – ღირ. მამისა ჩვენისა სერაპიონ ზარზმელის ხსენება (900 წ.);
- 12 ნოემბ. (შაბ.) – მონ. იოთამ ზედგენიძის, მეფისათვის თავდადებულის ხსენება (1465 წ.)
- 13 ნოემბ. სულთმოფენობიდან 21-ე კვირა – წმიდათა ათთა ბევრთა (100 000) მონაშეთა ხსენება (1227 წ.);
- 14 ნოემბ. (ორშ.) – უვეცხლოთა და საკვირველთმოქმედთა კოზმა და დამიანე ასიელთა ხსენება (III ს.);
- 16 ნოემბ. (ოთხშ.) – ხსენება ღირ. ნიკოლოზ ქართველთა მნათობისა, აკოლუთიათა აღმწერელისა (1308 წ.);
- 20 ნოემბ. სულთმოფენობიდან 22-ე კვირა – 33 მელიტინელ მონაშეთა ხსენება (III ს.);
- 21 ნოემბ. (ორშ.) – მთავარანგელოზების ეკლესიების დღესასწაული.
  - კრება წმიდისა მთავარანგელოზისა მიქაელისა და სხვათა უხორცოთა ზეცისა ძალთა;
- 23 ნოემბ. (ოთხშ.) – ხსენება წმიდისა დიდისა მონამისა და ძლევამოსილისა გიორგისა (303 წ.);
- 26 ნოემბ. (შაბ.) – ხსენება წმ. იოანე ოქროპირისა, კონსტანტინეპოლელი მთავარეპისკოპოსისა (407 წ.);
- 27 ნოემბ. სულთმოფენობიდან 22-ე კვირა: – წმ. მოციქულ ფილიპეს ხსენება (I);
  - შობის მარხვის აღება!
- 28 ნოემბერი, შაბათი – მონ. გურისა და სამონის (299-306წ.) და აბიბოს აღმსარებლის (322წ.) ხსენება;
  - შობის მარხვის დასასწავისი!
- 29 ნოემბ. (სამშ.) – წმ. დიდებულის, ყოვლადქებული მოციქულის და მახარებლის მათეს ხსენება (60 წ.);
- 30 ნოემბ. (ოთხშ.) – დიდმონაშე მიქაელის, რომელსა ეწოდა გობრონ და მისთა 133-თა მხედართა ხსენება (914 წ.);

**თინა პოლქვაძე  
— 100**

**გზა სულიერი  
აზვლდებისკენ**





ISSN 2298-0865



## წმ. დიდბაქაე აზხილ მეფის მონასტეზი

სარედაქციო კოლეგია: სვეტლანა ქეცბა, დეკანოზი ბიძინა (გუნია),  
ლია სენიაშვილი, ნოდარ სილაგაძე, ირინა ქეცბა  
პასუხისმგებელი რედაქტორი ციცილო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, თოფურისა ქ. №12, ტელ.: 231-51-30, 599-05-96-11. ტირაჟი: 500 ცალი